

ALA MILIARENSIS Victori Uticensi MS. apud Ortelium, cujus Episcopus *Mensius* legitur in antiqua Notitia Africae.

BILTA D. August. lib. 6. contra Donatistas cap. 8. Benta Ptolem. ¹ *Cecilium* Episcopum à Bilta habet D. Cyprianus in Synodo Carthag.

BACANARIA fragmento MS. Victoris Uticensis apud Ortelium. *Palladii* Episcopi Bacanariensis meminit Notitia Africae.

² CAPUT CILLANUM Antonino in Itinerario, cujus Episcopus *Fortis* nuncupatur in eadem Notitia Africae.

CISSÆ Ptolem. lib. 4. cap. 2. hodie *Cerceli*. *Flavosus* Episcopus Cissensis adfuit Collationi Carthaginensi.

CASTELLUM MEDIANUM Notitiæ Africae, in qua *Valentini* hujus civitatis Episcopi memoria est.

³ GURGITES D. August. lib. 7. contra Donatistas cap. 38. *Felix* Episcopus à Gurgitibus habetur apud D. Cyprianum in Concilio Carthaginensi.

⁴ COLUMNÆ Notitiæ Imperii Romani, cujus Episcopus *Martialis* legitur in antiqua Notitia Africae.

⁵ ICOSIUM Plinio lib. 5. cap. 2. hodie *Orano* dicitur, cujus Episcopus *Crescens* interfuit Collationi Carthaginensi.

FLORIANUM Victori Uticensi MS. apud Ortelium. *Resituti* Episcopi Florianensis mentio est in Notitia Africae.

⁶ MINNA Antonino in Itinerario. *Cecilium* Episcopum Minnensem habet eadem Notitia Africae.

OBBA D. Cypriano in Concilio Carthaginensi, eadem ac Boba Pamelio, qui putat esse Babam Ptolemæi. ⁷ *Pauli* Episcopi à Bobba meminit D. Augustinus lib. 7. contra Donatistas cap. 11. & habet Notitia *Eusebium* Episcopum Obbitanum.

MATURBUM Victori Uticensi MS. apud Ortelium, cujus Episcopus *Lucius* appellatur in antiqua Notitia Africae.

REPERITANUM eidem Victori MS. cujus Episcopi *Geliani* mentio est in eadem Notitia.

RUSUBICARI Antonino in Mauritania. *Constantius* Episcopus Rusubiciensis adfuit Collationi Carthaginensi.

⁸ SUFFARA, Suffasar Antonino in Mauritania. *Romanus* Episcopus Suffaritanus recensetur in Notitia Africae.

⁹ RUSTONIUM Ptolem. lib. 4. cap. 2. vulgò *Temen de fust*. *Numerianus* Episcopus Rustoniensis interfuit Collationi Carthaginensi.

¹⁰ TIGIS Ptolem. ibid. Tigisi Antonino. *Passitanus* Episcopus Tigistanus legitur in Notitia Africae.

AQUÆ Antonino in Itinerario. *Cresconium* Episcopum ab Aquis habet Collatio Carthaginensis.

¹¹ TABORA Collationi Carthaginensi, vel Taborenta Victori Uticensi MS. *Victor* Episcopus Taborentensis habetur in Notitia Africae.

MAMILLA eidem Victori Uticensi MS. ¹² *Serenianus* Episcopus Mamilensis adfuit Collationi Carthaginensi.

¹ SUMU.

NOTÆ LUCE HOLSTENII.

¹ *Cecilium* Ep. à Bilta] legendum ab Hiltā. de qua supra p. 92. nisi potius Bilta sit eadem cum Vilta, unde Felicianus Viltensis in Coll. Carthag.

² *Caput Cillanum* &c.] In Notit. Imperii habetur limes Caputcellensis.

³ *Gurgites*] Unde conjicis esse in Mauritania, & non potius Gurgaita Byzacenæ sup. p. 106?

⁴ *Columnæ*] unde [*Notitia Imperii Romani limes*] Columnatenensis.

⁵ *Icosium* &c.] Laurentius Icositanus Conc. Carthag. anno 419.

⁶ *Minna* &c.] Secundus Minensis Concil. Carthag. Bonifatii.

⁷ *Pauli* Ep. à Bobba] ab Obba legunt MSS. antiquissimi Cypriani.

⁸ *Suffara* &c.] Reparatus Suffaritenensis in Coll. Carthag.

⁹ *Rustonium*] delenda: quia eadem est cum Rusgonia pag. 115. [*Numerianus*] Rusguniensis scribitur in Concilio Carthaginen. anno 419.

¹⁰ *Tigis* &c.] Aptus Tigienensis Catholicus in Coll. Carth.

¹¹ *Tabora* Coll. Carth.] ubi Martinus Episcopus Catholicus & Victor Donatista commemorantur.

¹² *Serenianus* Episc. Mamil. adfuit Coll. Carth.] Sed Donatista, nam Victor ibi Catholicus adfuit.